

四書解頤言

序

士子束髮受四子書習子朱子注
一字不敢同與遵功令也然大賢
之心海涵地負斷不護前自足截
斷衆派苟熟精經義破拍牽膠
固之於朽毫釐疑似之謬如閻潛

邱引周禮亦雅分華嶽爲二山
江督修引鄭注賈疏以過位升堂
分治朝燕朝紫陽雖未言而其
說自不可易惜乎因循坐廢先
儒所謂執着一見不更求新見者
比之皆是也我友方子者字生

有異稟讀書好深沈之思工制舉
業而精神所萃尤在四書集注
溫習所及疑竇輒生心有所得筆
諸簡端歲月既久紙墨遂多爰
錄一編顏曰瑣言今年秋携以示
余義約辭簡要而獨造闢表悉

鑒所疑折而論之或引申先儒之義
或直抒自己所見推之語類文集元
明諸儒經說下逮西河毛氏已山王氏
以及名賢鉅製宗旨選評一一訂正
而折衷之見者以爲前哲之諍臣實
則聖經之功臣也而或者以書多

異解或不利於場屋是又不然方
今宗工衡鑒鉅眼卓識見有獨標
新義一空陳解輒以冠多士安知不
利者之不轉利乎且卑思研精嘉
惠後學得其潛卽省修諸多相後
先若徒拘詭義暮神氣莫得

當於冬烘頭腦之心目又踐之乎
言者寧矣

嘉慶庚辰九月愚弟湯運泰啟書

序

子朱子孔孟後一人也論孟集註學庸章句集群
儒大成繼往開來厥功鉅矣範少稟庭訓恪遵朱
註廿年來教授生徒罔敢稍異比因養疴習靜取
四書傳註涵咏時有會心又旁考或問語類及元
明以下儒先論說一知半解粘誌簡端日久恐其
散軼庚辰夏命孫宗純錄分四卷予友湯君虞尊
見而善之請公同好予未敢也及門諸子極力慫

愚兒輩即授梓人夫四子書精深微密而茲憑一時之臆見鮮所折衷恐自誤誤人不免獲罪聖賢也惟願當代深潛理學之士指其謬戾賜以教言則予之受益豈淺鮮哉

道光元年歲次辛巳八月既望青溪方祖範自識

四書解頤言卷一

青浦方祖範香宇著

受業門人參訂

男春熙虎泉

編次

恩普卹如

孫宗純心一校

論語

一部論語無非聖人教人爲學故開口便說箇學字此爲全部發端不但一章綱領

爲學最忌是工夫間斷最要在時習有事勿忘所以深造自得

聖人自十五志學直到耳順從心許多功候得力只是時習故首以此二字教人。

孝弟而不好犯上作亂無不仁之事是孝弟者爲人之本也爲人之本卽爲仁之本首節下原可直接章末兩句君子務本本立而道生二語脫開提起意實緊相貫注此正有子立言之意見人當用力于孝弟仁山金氏上節以質言下節以學言固屬硬分然從孝弟推到仁民愛物比上不犯亂道理自更闊大更全備非於孝弟厚植其基根本堅固生意未易周浹該遍及此故上下雖同一孝弟分量畢竟不同。

存疑謂巧令之人。其中最不可測。以巧令爲詐僞。自看巧令太深。反以小註心不在爲說淺了。朱子下字自確當。巧之言好。令之言善。是爲藹如之言。溫如之色。襲爲仁者之言。色而已。註悅人亦只要人道好。不是行媚。至第五篇說到可恥。是媚人矣。猶非詐僞也。巧言至於亂德。纔是詐僞。淺深各要看地頭。此章仁不仁。只在內外人已上分。辨務外則遺內。爲人則喪己。心不在便是鮮仁。

中心爲忠。人言爲信。凡說信皆從言。此章集註盡已之謂忠。以實之謂信。信就見於事者言。說本伊川以實之三字。卽以必盡。

之心而見於事之爲實事。信字跟忠字來原只一理。忠是存於中之信。信是見於事之忠。

集註三者之序。則又以忠信爲傳習之本也。是習亦要忠信意。而忠信本卽夫子之傳。曾子曰。夫子之道。忠恕而已矣。大學誠意之旨。固本之夫子。所謂不忠不信者。亦只是工夫有未熟。顏子之四勿。當幾果斷。是健決工夫。曾子之三省。日逐檢點。是篤實工夫。

敬事而信。敬固敬其事。信不曰信其令。曰信於民者。而字串下。信亦在事上說。制事固以敬行於民。又要信也。已無不信而民

亦信之。謂之信于民。有上下交孚意。

使民。凡用民之力。治城郭。塗巷溝渠。宮廟之類。皆是以時。是三時耕作。一時公旬。至冬乃役也。集註。時謂農隙之時。疑農隙只主講武言。左傳。春蒐夏苗。秋獮冬狩。皆于農隙以講事。解此似未的。

行之有常。言起居動靜必謹守常法。如曲禮內則少儀云云。考聖賢之成法。識事理之當然。學文固窮理之事。亦有閑其放心意。蓋人心無事之時。最易放失。况當蒙養之始乎。惟以餘力學文。則心不外馳。而得其所養。當參看游於藝註。心亦無所放。

句。

賢。賢。易。色。四。項。一。種。真。懇。誠。確。之。意。皆。自。真。性。發。出。實。是。未。學。
試。觀。古。今。來。儘。有。未。經。學。問。之。人。而。自。篤。于。賢。親。君。友。者。惟。其。
至。性。過。人。故。能。一。誠。無。偽。未。學。原。是。核。實。語。謂。之。已。學。者。見。聖。
賢。之。學。無。非。教。人。敦。倫。飭。紀。是。子。夏。崇。本。抑。末。之。意。先。爲。坐。實。
未。學。語。本。無。弊。後。人。却。因。吳。氏。之。說。曲。爲。回。護。謂。非。疑。其。未。學。
正。深。嘉。其。學。者。反。失。當。下。立。言。之。旨。

不。如。已。不。以。淺。深。高。下。論。己。爲。厚。重。之。已。則。輕。浮。佻。達。者。不。如。
已。矣。已。爲。忠。信。之。已。則。詐。僞。虛。妄。者。不。如。已。矣。友。之。便。易。漸。染。

其氣習。故戒以無友。無益有損。集註本從不如已者一面說語。類或問。就友之者。樂于爲友。見其有悅。不若已之心。以此爲有損。用意更深。然非當下立言之意。

憚改註言畏難。非本難而生畏。乃因畏而見難。所謂苟安也。過不便是惡。憚改乃所以爲惡。故須堅志奮發。不稍待片刻。如風之疾。如雷之迅。易所以取象於益。

夫子溫良恭儉讓。子貢言此。非但爲子禽之問。見識淺陋。不必說深也。蓋就夫子與人相接時。邦君所得見者言耳。在夫子盛德之光輝。發於不自知。而時君敬信。亦動於其所不容已。如遊

化字者和氣之薰蒸萬物俱蒙其煦燠而融洽于無間此正子貢善於形容聖人處無外之非內而非果欠內一層也仁山金氏之說殆非確論

思不知人集註是非邪正或不能辨只說得不知以後一層須知人何以不知正由平日無格物致知工夫道理不明故見識昏昧無以知得人之賢否此學者切已身心上受病處最爲可患兩層義須兼備

魯頌思無邪一句夫子稱之以蔽三百卽自明刪詩而存三百之旨蓋古詩三千刪之非徒從簡約也其無當於勸懲之義者

如巧笑唐棣諸篇悉刪去之。若現在所存三百篇善者可以法。不善者可以戒。有邪亦歸無邪。分而言之。逐一篇各有一思。無邪合而言之。三百篇只一箇思。無邪。故一言可蔽三百。民免而無恥。卽其苟免。知其無恥。亦以其無恥。所以謂之苟免。或問所謂革面而不革心。雖真免。仍是苟免耳。

志學字。統貫全章。固是知行並進。三十而立。謂之立者。有定識。有定力。而物不能搖。守自跟。知來不得偏于行一邊。不惑知天命。雖重知。而亦兼得行的道理。不惑者。於事物當然之理。坦然由之而無疑。知正從行見也。知天命。則又資渙而左右逢源。所

謂窮理盡性以至於命。自不是空知。不然。從三十而至七十。中間四十年。聖學工夫。豈屬於致知。而能立以後。到從心不踰行。上獨無就將漸進之功乎。

從養父母直說到養犬馬。着至於二字。中間原有許多人在。皆是待我以養。而養父母之所以不同於凡養者。只是箇敬。若能養而不能敬。何以別其爲養父母乎。末句須如是解。於理方不礙。不然。子游爲聖門弟子。何至同養父母於養犬馬。不反疑聖言之過當乎。

夫子於子游子夏之問孝。一是說要敬其親。一是說要愛其親。

意固各有所重。然亦須知敬從愛生。和在敬內。而意原自相連。設更偏至。則子游復爲子夏。子夏復爲子游矣。

與言足發。四書通云。不曰行而曰發。此一發字最有力。申之曰。行只遵循的赴而已。發則有欲罷不能意思。如火之然。如泉之達。如雷之奮。如風之行。如六爻之發揮。勇推交通。無所窒礙。如萬物之發生。增高繼長。不可闕遏。故周子曰。發聖人之蘊。教萬世無窮者。顏子也。

溫故而知新。可以爲師。程子言只此一事可師。若只認溫故知新。便可爲人師。則便窄狹却聖賢氣象也。此與集註異。集註每

有新得與學在我而應不窮。知新溪看。程子只淺說。雖各有所見。而愈溫故。愈知新。所得何窮。故以集註爲長。愚又按。可以爲人師。對面是人。可以爲師。從對面說。以若人爲師。見學當如是。溫故知新也。於示人以學。貴新得意。尤合。

子路強不知以爲知。要看得好。強字從好勇來。好勇之人。失之麤疎而欠精細。知與不知。自己見地。既不分明。每事輒憑臆見。以斷。如以正名爲迂。如云何必讀書。然後爲學。卽強不知以爲知也。若明明自覺不知。却又冒認爲知。自欺欺人。豈成聖門高弟。

子張學成。致用急欲自試。其干祿。原與貪爵慕勢者有別。然一萌此心。便屬移外。而非爲己之學。

才高意廣之人。非不能多聞多見者。聞見要於所言所行義理。上有關涉。非博櫟泛鶩以求多。闕疑殆。是留以待異日參究。或質證他人。

定公初年。孔子不仕。已山謂昭公薨於乾侯。不得正其終。定公非先君之命。而受之季孫意如。不得正其始。自是爲季孫所制。而不得有爲。由其不孝不友。無政本矣。孔子不仕。而以孝友對。或人之問。固非無意。但使子之不爲政。果爲定公。則初年旣不。

仕矣。後又何以爲司。空。爲司。寇。攝。相。事。觀。孔。子。對。陽。貨。吾。將。仕。矣。之。語。註。明。言。不。仕。於。貨。則。此。所。謂。孔。子。不。仕。有。難。以。語。或。人。者。自。當。依。或。問。在。陽。貨。用。事。非。可。仕。之。時。

仁。義。禮。智。信。五。者。皆。人。性。所。自。有。無。一。不。可。此。獨。言。信。者。信。統。貫。四。德。猶。土。之。寄。王。於。木。金。水。火。無。時。無。處。而。可。離。者。也。無。信。則。仁。義。禮。智。皆。虛。人。而。失。其。所。以。爲。人。中。庸。所。以。言。不。誠。無。物。也。故。曰。不。知。其。可。

仁。字。從。人。信。字。亦。從。人。仁。爲。善。之。長。信。爲。善。之。實。仁。是。人。之。所。以。生。信。是。人。之。所。以。成。仁。者。人。也。亦。可。曰。信。者。人。也。

祭非其鬼。見義不爲。兩事合言之者。一以不當爲而爲。一以當爲而不爲。如季氏旅泰山。而冉有不能救。季氏則諂而求爲無勇。

季氏舞八佾。孔子不曰是可爲也。孰不可爲也。而曰是可忍也。孰不可忍也。一忍字直刺入季氏心窩。第三章人而不仁。如禮何。如樂何。正爲僭禮樂者說。不仁字從忍字生來。

季氏之庭三家之堂。毛西河謂皆桓公之廟。固是。謂三家之堂。卽季氏之庭。則不然。西河據宗法。謂季友爲莊公母弟。別子得自爲宗。故桓廟立於季氏宗子之家。而孟孫叔孫統宗季氏是。

孟孫叔孫不得有桓廟也。但三家同爲大夫。各自有其祖廟。而郊特牲云。公廟之設于私家。由三桓始也。則皆以桓廟爲祖廟。無疑已。其始只桓廟之在季氏者。僭舞八佾未幾。而三家又並有雍徹之事故。舞八佾。專屬之季氏之庭。以雍徹則三家並書禮之本末。只就文質奢儉在先後上說。未說到僭禮與奢則不孫。章有別。如舞佾歌雍旅泰山。大夫而僭天子。是悖禮而非只逐末。不得因林放魯人。謂八佾前六章皆言魯僭禮之事。無所爭。當玩所字。不只說無爭。君子德性和平。涵養純粹。故自無所爭之地。所爭之人。與所爭之事。

考儀禮大射鄉射儀節大略相同。升下飲皆以揖讓。註獨以大射言舉其重者耳。

周禮監於二代。郁郁乎文。夫子素有從周之志。此又何以興懷夏殷之禮。而重慨於杞宋之無徵。蓋夏殷之禮。禹湯二聖人精意所存。周之監也。不過仍其大綱。其細微節目。開代之初。既不能不有所改革。武周當日。亦惟恐其散軼。故於杞宋就封命之。統承先王。脩其禮物。使後嗣子孫。果能保守勿墜。則夏禮殷禮。原可與周禮並傳。無如杞宋二國。日卽陵夷。夫子雖旁搜博採。能言其意。而無徵不信。致使禹湯之明德就湮。能無重慨哉。

天卽理也。朱子以在人天之天言。已山謂夫子對付王孫賈直指
高高在上者。壓倒奧竈。是以在天之天言。須知在人天之天與在
天之天。不容有二。呼吸相通。彌復可畏。故曰逆理則獲罪於天。
蓋卽以高高在上之天。折壓權臣。而所謂獲罪處。却只是逆理
也。

奏假貴於無言。入廟助祭。豈容逐件致問。魯論所記子入太廟。
每事問。決非當祭時。可知。考周禮大宗伯之職。大祭祀卜日宿
眠滌濯。泣玉卑省牲饗。奉玉盥。肆師之職。宿爲期。眠滌濯。亦如
之。皆是祭之前一夕事。惟在祭之前一日入廟。泣事故得詳問。

而極言。

儀禮鄉射禮曰。禮射不主皮。鄭註。禮射。謂以禮樂射。大射。賓射。燕射。皆是。句雖本於儀禮鄉射禮。却不專指鄉射。註特詳其出處耳。

告朔。楊氏以爲諸侯稟命於君。親禮之大者。新安陳氏亦曰。朔受之天子。藏之祖廟。一禮行而尊君尊祖之大節得焉。愚按兼有奉天時重民事之義。

己山王氏云。羊存猶得以識之。就合下便見得斷然不可去。不必說到可復。按復字雖在後。而可復意即在羊存猶得以識之。

內兩句連讀皆就當下說已山看作兩層乃以爲不必說到可復又謂聖人之意畢竟重在可復上不旣多此一折乎。

以禮以忠君臣事使之道千古如是精義候氏謂雖堯舜不過如此也道理何等闊大若必切魯君臣針對定公反狹小矣。

文王后妃德化之盛被於南國而關雎爲起化之原列於篇首夫子稱其樂而不淫哀而不傷文王后妃性情之正默化潛移使宮中之人性情亦無不正故不覺形於歌詠如此不徒作贊美詩人看。

以松以柏以栗旣無當於立社之義而宰我失言處尤在使民

戰栗一語。渠意固謂哀公是柔懦之人。須示之剛健果決。纔能震厲奮發。可自主張起來。然却不當云使民戰栗也。魯之民重禮教。崇信義。本無事脅之以威。至哀公之時。民生愈凋敝矣。稅歛頻加。民困於賦。年穀不登。民困於饑。城啓陽。城中郭。郊之戰。邾之伐。民困於役。又困於兵。何堪繼之以武健嚴酷哉。且民雖懼。何救於君之弱。臣之強也。此殆夫子所以深責之者歟。至於哀公後日。欲去季氏。乞師於越。卒以旅死。議者謂自此一言階之。屑竊恐宰我有所不任受。而亦非夫子責之之意也。樂貴人聲。虞書歌永言。聲依永。律和聲。樂音與歌聲相比。夫子

論樂三章如雅頌得所。關雎之亂。言樂必以詩。此爲正樂。而語太師始終節奏。備舉。豈獨不及工歌。翕如是歌聲與樂音合聚。純則歌與樂相比而和。繳則歌聲自歌聲。樂音自樂音。各不相混。繹則歌與樂又相連屬。至五聲六律。無字句。無曲調。是樂本工歌八音。只要合得上聲律。五聲卽在八音內。存疑專舉八音。亦自有說。而愚以爲當兼工歌。

封人識高意遠。於世運興衰治亂之理。及聖人牖民覺世之心。一語道盡。後雖不驗。而理無可易。蓋使夫子而得位行道。立道。緩動爲一時之本鐸。夫子而不得位行道。刪訂贊修爲萬世之

太鐸豈得以當時未驗少之

韶盡善武未盡善集註兼性反與揖讓征誅而揖讓征誅以又字帶言輕重固自有在也語類使舜當武王時畢竟更彊似大武使武王當舜時必不及韶又撇開時遇專重性反上愚按使舜當武王時舜兩階之干羽韶固不改其盡善然使武王當舜時受終受命樂雖不及韶宜無發揚蹈厲氣象此揖讓征誅所以亦畢竟帶着也於此見集註之精密

志仁志字是篤志之志註故以誠字釋苟字麟士謂苟字淺看志字作念頭舉處者非是天人理欲不容並立一念在仁固即

一念無惡。然集註無惡。是以事言。志字自須重看。與前章利仁相似。

惡不仁者之下。本可直接不使不仁者加乎其身。中間橫插其爲仁矣一句。須知此是着力之語。正當坐實爲仁。卽從惡不仁勘定。不使不仁加身。又要緊粘爲仁說。惟惡不仁卽是爲仁。故自視其身爲粹然無疵之身。而不使不仁之得加。

觀過知仁。仁卽在過中。各於其黨一句。便是觀之之法。不必更爲略述原心之論。

生順則死安。所以學貴聞道。語類云。大率爲未聞道者設。申之

日。是。爲。四。十。五。而。未。有。聞。焉。者。設。夫。子。平。日。教。人。要。及。時。勉。學。方。不。至。老。大。徒。傷。此。章。語。意。却。是。又。轉。一。解。示。以。晚。蓋。之。術。縱。使。去。日。已。多。來。日。苦。少。然。及。此。眼。光。未。落。時。急。急。努。力。於。道。誠。有。所。聞。萬。一。卽。死。亦。復。不。恨。故。曰。夕。死。可。矣。

君。子。平。日。有。精。義。集。義。工。夫。以。應。天。下。之。事。義。自。與。此。末。句。可。直。接。首。句。必。先。無。適。無。莫。者。無。私。心。然。後。當。於。理。若。有。適。莫。便。非。義。矣。適。似。義。之。懽。慨。直。任。然。意。主。于。爲。雖。不。可。爲。者。亦。爲。之。莫。似。義。之。恬。退。自。守。然。意。主。于。不。爲。雖。當。爲。者。亦。不。爲。此。其。所。以。悖。於。義。義。則。行。所。當。行。衆。人。之。所。畏。者。而。君。子。不。辭。有。類。于。

適。然。非。先。有。必。爲。之。心。也。止。所。當。止。衆。人。之。所。趨。者。而。君。子。獨。舍。有。類。于。莫。然。非。先。有。必。不。爲。之。心。也。此。其。所。以。異。于。適。莫。外。註。謝。氏。之。說。異。端。無。適。無。莫。而。不。知。有。義。此。透。過。一。層。說。見。君。子。無。適。莫。而。又。義。比。理。固。如。是。始。備。然。夫。子。當。下。語。氣。三。句。直。下。義。與。比。卽。從。無。適。莫。勘。定。中。間。無。層。折。適。莫。亦。不。專。指。二。氏。或。問。懷。德。者。不。待。懷。刑。而。自。安。於。善。蒙。引。亦。謂。懷。德。者。高。於。懷。刑。之。君。子。然。君。子。雖。旣。安。於。善。亦。何。嘗。不。凜。王。章。則。以。懷。刑。爲。加。一。倍。兢。惕。亦。無。不。可。

小人不日懷安而日懷土者。謂是憑依旣久。勢若難於遷徙。故

懷上卽懷安。不曰懷利而曰懷惠者。得於己爲利。出於人爲惠。一若在己雖利。而於人無害。懷惠尤小人工於榮利。

曾子借忠恕發明一貫。一是忠。貫則是恕。忠恕兩字對待。似忠字外添了一恕字。然忠是恕之存。恕是忠之發。却非兩箇道理。讀書錄云。一箇忠。做出百千箇恕來。此忠恕所以爲一貫。

義利是兩箇大關頭。本是君子小人所由分路。到得君子小人既成。則於義利路上。各自走得熟。習得慣。其中細微曲折。無不周詳淡悉。程子言篤好在喻後。陸氏言志習在喻前。雖皆有至理。而喻義喻利。就君子小人已成者言。似陸氏說尤長。

遊必有方。不是不得已而遠遊。又有一方便法門。不遠遊三字。業已斷然。此正申言不遠遊耳。必有方。卽記所謂所遊必有常也。遊只近地。若無常所而更他往。則遠矣。註名則必至而無失。正因不遠。

躬之不逮。在恥字中見。恥卽在言之不出時。非實有不逮之事。上句涵下句。下句要攝入上句中。一劃斷。便非神理。

不侈然自放。便是主敬工夫。主敬則收斂嚴束。有智慮而不矜。有才力而不恃。所言所行。凡事皆從心上檢點過來。故失之者鮮。卽易所謂敬慎不敗也。

斯之一字。朱子曰。所指甚大。蓋卽大學明明德新民之理。凡身心意知家國天下道理。皆包括在內。

孟武伯問仁。與季康子問從政異。問從政。本是問其才。問仁。自不須說才。然而夫子先言三子之才者。蓋武伯問之之意。若謂由之勇。求之藝。亦之解。或本於其德。却是以其有才而信其能。仁也。故夫子亦必提起另言之。見其才原自有用。然勇能治賦者。勝敵易而勝私則難。藝可爲宰者。治事易而治心則難。解優應對者。立言易而立德則難。與其才正不與其仁。

新安陳氏言志先情。氣隨昏慶源輔氏言志不昏。氣不情。似皆

說得去。然集註志氣昏惰。只渾言之。蓋志者氣之帥也。志昏則氣亦昏。志惰則氣亦惰。却又不應回互說。

不欲無加。子貢以此自居者。蓋於夫子所謂欲立立人。欲達達人。與能近取譬兩節。界限看得不甚分明。以為仁之方。即認為能仁之事。纔下近取工夫。便自居不欲無加也。夫子却恐其看得太易。不復做勉強之功。故特別言之。抑之使退。乃正無窮策勵焉。

子貢工夫。由學識入。得聞性道。正從文章得力來。使未從事於文章。而驟語性道。無論姿之鈍者。必有窒礙難通之處。即有頓

敏之質。遽能悟及深微。而日用事物之理。不復去窮究。所謂躐等之弊也。後世王陸之學。專以尊德性致良知立教。使聖門有此捷徑。則穎悟如賜夫子。何不使言性道。而必使從文章入手乎。

子路勇行之氣。急行之象。正面無可形容。故從反面著想。實處難于摹寫。故從虛處傳神。轉向方有聞。而未能行。推論到子路心裏下。惟恐有聞一語。自有一種着忙着急。片刻不容少待。光景繪影繪聲。是記者善于形狀處。

行已事上養民使民。自是經國大端。四項足該子產生平恭敬。

惠義夫子謂其有合於君子之道。此君子直是王者之佐。如伊
周。一輩人。春秋時大夫。未有能如子產者。夫子極口稱揚。並無
不足之意。吳氏謂數其事而稱之者。猶有所未至也。子產有君
子之道四焉者是也。因以爲子產之見稱於夫子。反不如臧文
仲之見責。豈通論也耶。

季文子三思。是其是非之見。與利害之見。紛紜回互。而不能卽
決。便是私意。便是惑處。所謂三則私意起而反惑。只就三思上
斷定。非三思後私意方起也。

武子愚不可及。註盡心竭力。不避艱險。與休身濟君意。兩層固

須並到纔見不可及。輯語謂保身濟君。只帶說不可及。全在愚
上。則當日士榮莊子。亦能不避艱險。夫子何以獨稱武子爲不
可及。然如裴引。以盡心竭力三句貼其愚。以卒能保身濟君爲
不可及。則又但以成敗論人。亦非夫子立言本旨。要當以後一
層攝入前一層內。出險濟屯。正其不避艱險一味。樸誠有以感
動得人。所以其愚不可及。

夷齊惡惡雖嚴。却無成見在胃。如鏡之明。聽人自照。影隨形現。
過去則空。不留其迹。此無實事。不念舊惡。要卽從惡惡之心。看
出朱子所謂惡其惡。非惡其人也。故能改卽止。

微生高素有直名。其於他事必有好行。其直以沽美名者。如證父攘羊之類。所以人皆謂其直。或問小註只看小事如此。到處于駟萬鍾也。只是此模樣。亦正不然。或致飾於其大。而小事敗露。乞醯一節。亦猶能讓千乘者之於簞豆云。

匿怨而友。只是冒爲仁厚心。實不能忘怨。做出忘怨一般。以示大度。其心之不直。可知。與乞鄰而與一例。看不必說到詐險。以圖報復。

老安友信少懷。其心則萬物一體之心。其事則隨在可行之事。老自當安。友自當信。少自當懷。其理各在當人之身。聖人不以。

已意加焉。時藝有云。用行則措諸事。與二三子行義以達者。此也。舍藏則結爲志。與二三子隱居以求者。此也。此言非是。老者朋友少者。卽此當前晤對之人。安之信之懷之。自在日用酬酢之際。初何關於道之行不行哉。所以由與回有願。而夫子不言願。願屬虛。夫子所言皆實事。道理極闊大。又極平常。陳白沙元旦詩。分外不加毫末事。意中常滿十分春。可以想見聖人安仁氣象。

必有忠信如某。固是生質之美。但此美質。却非聰明穎悟之謂。須就忠信說。纔是忠信。是學之地。卽聖人君子章之言有恆者。

也。故不得泛言美質好學。亦要眼忠信說。學以全此忠信。充此忠信。

南面人君聽治之位。論者謂凡居官莅政。無不南面。夫子許雍可使。當如使漆雕開仕。不必便是爲君。但玩下文居敬而行簡。以臨其民。直是雖官肅廟。恭已化民道理。與智効一官。才堪一職者迥別。故言仲弓寬宏簡重。有人君之度。且聖門兵農禮樂。皆以爲國自期。而夫子與顏子論爲邦。直告之以四代之禮樂。安見南面不是人君之事。倘不以人君聽治釋南面。未免小視仲弓。失却夫子所以特許之意。况可使云者。原只許其才德之

可不是便使之南面也。

居敬則所行自簡。程子之說而字縮上。居敬而所行又簡。朱子之說而字折下。居敬行簡。自分兩層。然仲弓辨簡之不同處。意自重。居敬一邊。行簡却要。跟居敬來。簡從敬出。所行卽所居。須融會程朱之意。方與本旨有合。原不是判然兩截。

集註未喻夫子可字之意。而言有默契。意若相拘。然因未喻可爲僅可。乃有後面一問。分別出居敬居簡之不同。而夫子於伯子之簡可而未盡善之意。愈得發明。此理自是暗合。所以爲默契。至于夫子許之意。則更有深焉者。蓋其一言辨簡而千古學。

術治術源流知醇疵得失所由分則是言之所係大也故溪然之以示臨民者之法戒

呂伯恭謂不獨遷於他人爲遷就其人而益之亦是遷朱子云此却是不中節愚按就其人而移於他事亦是遷集註怒於甲者不移於乙就兩人言更以一人兩事言之於義始備

不貳過夫子取義於復之初九曰不遠復無祇悔蓋以震一陽爲復之主其失未遠而震有剛健之姿果決奮迅隨覺隨復不稍待片時不稍留纖翳故曰有不善未嘗不知知之未嘗復行也問仁章註云明足以察其幾健足以致其決的是此句註脚

子華使齊。原思爲宰。本非一時事。記者合而誌之。見聖人用財之各當。兩段各於首一句立竿見影。集註使齊曰。爲孔子使。爲宰曰。孔子爲魯司寇時。更與剖晰分明。毛西河謂子華使齊。正夫子爲司寇時。由求一齊仕魯。亦使治賓客。卽此使齊。使爲魯使。五秉之粟。是公家稍食。惟冉子爲司財宰。職任出入故也。殊不知立朝與賓客言。但論才之可耳。並非實事。卽求之仕季亦在哀公時。去孔子爲司寇十餘載。何得任意牽合。作此不根之言。使聖人化裁通變之妙用。無從顯出。其意總欲與朱子爲敵。而並誣聖人也。

聖門諸賢以子稱者。惟顏淵。曾參。有若。閔子騫。蓋顏閔爲德行中人。曾子傳夫子之道。有若言行氣象似聖人故也。其餘未有章內請粟與粟。皆以冉子稱。疑非冉有。此篇首章許仲弓可使南面。此章之下。又稱仲弓之賢與粟。或仲弓事仲弓門人所記。故稱冉子也。卽退朝何晏一章。亦稱冉子。安知非仲弓爲季宰時事。有政之對。與前問政本合。爲宰與退朝。同在一篇內。記者亦有故。鄭康成謂論語仲弓子夏等所撰定。而仲弓又德行之賢。則其得稱冉子也。宜惜余生也晚。未得攷正於朱子。究莫定其是非耳。

存疑冉子之請粟。全是俗見。緣他是箇見利不見義的人。故所見如此。此論是苛。蓋惟以冉子爲冉求。有爲季氏聚斂一層意。在前。故云見利不見義。不知冉子惟所見亦是義。故夫子不直拒之。但其察義有未精。自不如夫子權衡之當耳。

日月至焉至字。是心之至仁。非仁之來至。註能造其域。言也能到這仁的地位。蓋當其至時。亦心卽是仁。但不能久耳。張子內外賓主之辨。最要體認。朱子恐人錯解。故又以屋爲喻。而以心之出入言之。

顏子不改其樂。卽不違仁符驗。仁則天理流行。此心活潑潑地。

其樂可知。胷懷如海闊天空。觸處皆爲飛魚躍。白沙詩云。雪消
鑪焰冰消日。月到天心水到渠。欲淨理純心體如是。

子夏篤信謹守。其學宜非爲人之學。然夫子以君子儒。小人儒。
分別言之。一以爲勉。一以爲戒。自必有故。蓋子夏居文學之科。
或以文章爲道德之華。而立心制行。一念微動於外。卽非專務
爲己。此際細入毫芒。

罔則生理。既絕其心。先死。心死而身猶未死。非幸免。而何。孟子
存心章。去存是人。禽關此章。直罔是人。鬼關。沈妙香嘗有詩云。
心死身何用。又云。夢覺關分生死。關洵爲警世名言。

生理本直者。天命之性。莫不有是仁義禮智之理。依著此理。卽合有惻隱羞惡辭讓是非。無所回曲。便是直也。罔之言。無旣無此理。則當惻隱不惻隱。當羞惡辭讓。不羞惡辭讓。以非爲是。以是爲非。豈非與。所以生者。拘了。註故以不直也。釋罔字。

胡氏言樊遲問仁者三。居處恭。執事敬。與人忠。最先。先難次之。朱子亦謂若未嘗告以恭敬忠。則所謂先難者。將何從下手。據此則先難應貼恭敬忠工夫說矣。然細玩此章註語。知以事言仁。以心言知者。仁者一路上人知仁。是一套事。先其事之所難。事卽務民義之事。難如視聽言動。必以禮。子臣弟友。必盡道。越

平常越不易知者當務之事。非卽仁者見以爲難。而有必先之心者乎。朱子又不定謂第三章問仁最先。而此其次也。

博文正爲要約禮。故爲學之序。先博後約。集註對舉。本文原是串說也。然知行並進。亦隨博隨約。博文時非無約。禮工夫約禮後。非無博文工夫。之字就人身言。凡視聽言動皆是。謂之字卽指所學之文而言者。非博與約雖相承。却不得云約文以禮。子見南子。上文應有南子請見一句。此或記者脫落。至孔子辭謝。不得已而見之。乃史記想當然語。在孔子堅則不磷。白則不淄。既是仕於其國。有見其小君之禮。禮所當見。或不必辭。使不

當見何能強聖人以必見而云不得已乎。惟事雖未確而於理無礙。故集註存其說以作前文補義。若存疑云聖人於南子見而不去者。此處或有可行之機。此語殊謬。聖人決不藉南子之見爲行道之機也。使爲要行道而見南子則南子可見。卽癰疽彌子亦何不可主。

聖門弟子能於夫子無所不悅者惟顏子。能有所不悅者惟子路。不是孔子却不可見南子。不是子路亦不能不悅孔子。欲立欲達一舉念而物我胥同不徇人而舍己亦不私己而遺人吉凶憂患其在人也猶在己也。此是何等胸次。然正不必人

人盡立。人人盡達。如賜所謂博施濟衆。蓋夫子是就心體上論。仁博衆也。得不博衆也。得只念之所動。已與人。悉悉相關。便是天理之周流。而無間。仁者之心如是。仁之體亦如是。

老彭。王肅註。老老。眇彭。彭。錢分爲兩人。固鑿。邢疏。卽老子一人。亦非。愚意。老彭。總與老子無涉。老君爲道教之祖。著道德經五千餘言。別啟一途。於堯舜禹湯文武周孔之外。豈述而不作者。惟考彭錢。其先陸終氏之第三子。封於大彭之墟。商時曰彭伯。嘗霸諸侯。至後國滅。子孫仕商。以彭爲氏。錢爲商守藏史。能享大年。世稱彭祖。夫子曰老彭。集註云。商賢大夫卽其人。

尹氏此四者日新之要。是就脩德講學。徙義改不善。正面說。夫子却說不脩不講不徙不改。是吾所憂精神全在四不字。一憂字不字。正從憂字中見。是自爲檢察之意。退下一步。愈鞭緊一步。日省乃所以能日新。

夢見周公。聖人之誠。寤如是。夢亦如是。思慮凝一。所夢卽所志。聖人於韶而見舜。於琴而見文王。於夢而見周公。同一精神無間處。

束脩固禮之薄者。以上却不是從薄以至于厚之謂。蓋言學者執束脩之禮。以求進見。意與人深。已以進同。

不以三隅反。是于所舉之一隅。未嘗理會得。解者皆謂意見凝滯。就質地上說。看來亦是不用心。故沒理會前之所舉。既屬徒然。何勞再說。故不復。

蒯瞶得罪於父。在靈公可不以爲子。而輒豈得不以爲父。夫子爲衛君乎。一問。冉有亦覺得以子拒父。於理有所不順。故國人雖有嫡孫當立之言。而吾黨必欲折衷於聖人而後定。語類謂疑夫子助之。恐是疑夫子不爲之意居多。

伯夷叔齊。後世但稱其清。未足定二子之爲人也。惟夫子求仁得仁一語。乃獨推見至隱一遵父命一重天倫。使當年孝子悌

弟之心。昭垂千古。誠爲探本窮源之論。不獨循事可因。以例斷也。

史遷伯夷傳。採微之歌。疑其爲怨。不知其有怨者在。商周興廢之間。其無怨者在。兄弟相讓之事。滅商而有怨。所以義讓國而無怨。所以仁。

加作假。五十作卒。集註本史記。謂是時年已幾七十者。據序彖繫象時言。但業已彖編三絕。十翼成書。豈必更作假年。學易之說。按年譜。孔子年四十三。脩明詩書禮樂。是時豈不學易而未贊易者。自謂易理未深。故欲再加數年之功。至於五十。此二字

作句。以此數年學易。由其事理之不惑者。深探本原。窮理盡性。以至於命。則庶乎其可以無大過。前言五十而知天命。非深明易道。何以能之。已山亦謂夫子贊易。當在韋編三絕之後。假年學易時。尙未及此。故疑夫子爲是言。當在四十不惑脩明詩書。書禮樂之時。五十合依本文。不作卒。加亦如字。不作假。論語記子不語。子罕言。子以四教。但舉其綱而列其目。獨于雅言。末又找皆雅言也一句。非徒結上之詞。見詩書禮三者爲學者日用至切之務。少一件不得。故聖人皆常言之以教人也。記者窺得此旨。加此一句。另是一番提撕諄切之意。要人無忘聖。

訓。

怪異。勇力。悖亂之事。皆就人言。怪如索隱。行怪之怪。深求隱僻。而過爲詭異。凡所謂異端。皆是若天地陰陽之事。祿祥災變。紀在春秋者。不在其內。

難乎有恒。註言必不能守其常。尙嫌說得寬。爲有本非有。爲盈本非盈。爲泰本非泰。一味虛假。正不欲爲持久。積累工夫三句。是不能有恒。現在實驗。宜只就眼前說。

子鈞章。謂聖人於取物之中。寓愛物之仁。尙是籠統說話。記者記此二句。分別言之。各自有一箇道理。綱則絕流而漁。取之盡。

已。不。網。見。聖。人。之。無。貪。心。射。宿。則。乘。其。不。備。取。之。必。矣。不。射。宿。見。聖。人。之。無。機。心。同。一。愛。物。之。仁。而。仁。中。又。有。條。理。不。同。

謂。之。吳。孟。子。謂。之。者。司。敗。意。中。卽。指。孔。子。春。秋。哀。公。十。二。年。書。孟。子。卒。本。是。諱。姬。爲。子。坊。記。所。謂。魯。春。秋。去。夫。人。之。姓。曰。吳。其。死。曰。孟。子。卒。孔。子。脩。春。秋。仍。其。舊。文。不。改。此。司。敗。所。爲。君。子。亦。黨。者。也。若。謂。昭。公。自。知。其。非。謂。之。爲。子。仍。冠。以。吳。不。應。如。此。矛盾。謂。是。當。時。譏。諷。之。語。當。時。之。人。方。以。公。爲。知。禮。亦。未。必。便。有。是。語。也。

坦。蕩。蕩。坦。字。不。與。長。戚。戚。長。字。對。惟。其。平。坦。是。以。寬。廣。坦。字。內。

諺得寬。廣道理。管見高山大麓。其開陽放平坦。易者都是寬廣。若叢叢鳥道。險峻者都是窄狹。當以蕩蕩承坦字說。不當以坦字粘蕩蕩說。若長戚戚。則只是無往不憂戚而已。長字本無溪義。自不得與坦字對看。

溫厲章註。以爲全體渾然。陰陽合德。固是聖人氣稟純粹。然亦有涵養工夫。

三讓鄭註。路史精義諸說。皆作三節讓。皆未見其必然。集註三讓。謂固遜。不整分三次。較爲渾融。然古聖人有託而逃。不露讓天下之迹。亦何從見其固辭。且於禮。固辭爲再辭。非三字之義。

考諸佛經三字有作正字解者。準此則謂伯之採藥去吳正以天下讓也。於義固通。亦卽含泯其迹意。而儒書却無之。故未敢援以爲說。因疑三字乃正字之譌。四書上差字如親民之親。當作新。自謙之謙。當作慊。素隱之素。當作索。有仁之仁。當作人。因字畫相同。而魯魚亥豕。沿襲承譌。此類甚多。安見三字不本正字而誤乎。

朱子疾革。門人請教。朱子曰。須要堅苦。陽明疾革。門人請教。陽明日。此心光明。亦復何言。顧涇陽云。朱子是言工夫。陽明是言本體。惟曾子云云。卽本體。卽工夫。和盤託出。兩賢俱在其範圍。

中矣。此言似未確當。竊意朱子要堅苦一語。是卽曾子戰兢臨履之意。朱子一生工夫。盡此二字。所以教門人亦盡此二字。朱子之學。的是曾子一脈。若陽明此心光明之言。謂陽明自道本體則可。豈所以教門人者乎。曾子却不如是云。

若無若虛。推原所以好問虛心。註惟知義理之無窮。是兩問字。骨子卽兩若字精神。謝氏不知有餘在已。不足在人。之意亦好。若已山所採洪氏之說。謂吾固能矣。然豈不猶有所不能。彼固不能矣。然或不能於此。而能於彼。吾固多矣。然豈不猶有所闕。彼固寡矣。然或失於此。而得於彼。是明知能與多之在已。不能

與寡之在人。而姑爲是問也。似與若無若虛之旨不合。

不至於穀。至字集註當作志。愚按依本文自可不志是不求。不至則無一念之及。尤見工夫純篤。

天下有道。則道與時合。身出而道顯于世。天下無道。則道與時違。身屈而道藏於己。爲隱爲見。不只身之隱見。卽道之隱見也。是因有學守來。本領在平日。機宜只在當下。

邦有道。貧且賤焉。恥也。如巢父許由。一輩人正坐此。由其無可行之道。故師錫所不加。明揚所不及。自己亦覺虛生辜負此中天之世。而反借箕山潁水爲矯世傲俗之言。以自藏其拙實則。

既已無學。豈能有守。有道自不我用。乃不得不貧賤耳。所以可恥。

舜禹有天下。不與之心。卽孔顏疏水。簞瓢樂無不在之心。識得疏水簞瓢。孔顏所以樂處。卽識得舜禹有天下。所以不與之故。語類言。天下自是天下。我事自是我事。不被那天下來移著。新語以不與爲聖人憂天下之心。謂心有與處。才有不與處。憂勤胼胝。無非不與之意。則是竝耕章意思。跟上文數憂字來也。言各有當。玩註自明。

堯之德廣遠。故曰大哉。禹之德精密。故曰無間然。

天之大。以形體言者。固不是。而德又非只天載無聲之理也。理寓於氣。須就氣之流行布護。無所不包。無所不遍。見天之大。真是莫有及者。而獨堯能與之準。堯之德亦就發用處言。則天無名自涵。蓋得下節功業文章在內。李安溪曰。下節卽申上意。就上一節則天無名中舉其可見者來贊嘆。非謂德不可名。業則可見。作兩截話。蓋成功文章卽德之發見故也。全章巍巍蕩蕩。巍乎煥乎。總是形容一大字之意。

唐虞之際。於斯爲盛。古註。堯舜交會之間。比于周。周最盛。以周爲盛于唐虞。固非。集註。惟唐虞之際。乃盛於此。又是周不如唐。

虞語意亦未然。蓋孔子誦武王之言，直爲上下千古，遠自唐虞，下至於斯五人十八後，先輝映中，隔夏商千餘載，惟周才比隆。唐虞故曰唐虞之際，於斯爲盛。唐虞之際，讀於斯字，亦徵讀爲盛二字。沈吟想像而出，如見聖人高瞻遠矚，躊躇滿志之神，竝無低昂於其間。若謂唐虞尤盛，則當云爲盛於斯，不應倒說於斯爲盛也。

服冕有五。衮冕九章，自山龍至黼。鷩冕七章，去山龍，自華蟲至黼。毳冕五章，則取宗彝至黼而去火。希冕三章，衣粉米裳黼黻。元冕獨黻一章，繡之於裳。五冕皆終於黼，故總謂之黼冕。黼冕

黻字是黼黻之黻。兩已相背。考工記。青與黑謂之黻。一已繡青。一已繡黑。正字通。黻黻音同義異。黼黻之黻。從黼蔽膝之黻。從韋。蔽刺於裳。韋施於股形。刺各異。若蔽膝而以韋爲之。則從韋。字不用黻字。

無所成名。正見博學。集註惜之。謂是譽之。亦可。下文夫子商所執於射御。正跟無成名來。註云。聞人譽已。承之以謙。是朱子亦以無所成名爲譽之也。不知前節何以云惜。必以無成名併入博學內。皆作譽之看。纔與聞人譽已之語一線。

聖人卽天。天無心。聖人亦無心。渾然天理。事至物來。順以應之。

而已。何有意必固我之私。困勉錄曰。當與無適莫章參看。須知此四句外。尚有義之與比一句意思。愚按此就他人說。則然。如佛氏自謂無住。無未來現在過去之心。疑與聖人之無意必固我一般。然未必所爲合義。故說君子之無適莫。更有義之與比一句。在時中之聖。仕止久速。各當其可。義之與比。卽在無意無必。無固無我之中。自不須添說。

語類問聖人天縱。愚不肖。是天限量之者乎。曰。愚不肖。要增進一分不得。似天限量他一般。申之曰。非但愚不肖也。卽凡聖人。如禹入聖而未優。湯武反之而非性之。又如夷之清。尹之任。惠

之和。各得其一偏。皆若有所限量者。惟孔子無所限量。故同爲聖人而獨得聖之至。若天縱之者然。

博學多能。向來一例看。然博學則精。麤大小無不包括。却與多能不同。故夫子不居博學而自認多能。

牢曰一節。不但是引證上文。若爲證上少賤多能有何意義。不成贊語乎。同是一句話。聖人自有聖人意思。賢人述之自有賢人意思。牢引此言。見夫子惟賤而不爲世用。故只以藝著。若使得用于世。則有盛德者必有大業。豈但藝事足稱乎。此又另是一意。推尊聖人。總見多能不足當聖。

子貢以美玉爲喻而欲得善買而沽。原是鄭重之意。其所謂求。不過置諸有沽無藏之地。使當世咸知其美。因以致善買耳。非遂抱璞以思獻。涕泣以相將。必自卑屈也。不知纔說求。便有汲汲欲售之心。夫子以待字易求字。何等閒靜。何等貴重。有善買則沽。無善買則不沽。待字中具用行舍藏道理。

君子所居則化。如泰伯居吳。肅雝而治。而況聖人存神過化。豈不能用夏變夷。然入夫子口中。却難以神化自居。只合云君子佩服乎古昔聖王之訓。沐浴乎詩書禮樂之澤。自不以地而轉移。俗雖陋。何傷於君子。

逝者如斯。卽川流以明道。如字是指點。不是比喻。謂不可說破。
道字者非。呂晚邨曰。夫子之旨。在不舍。不在逝者。愚按立言之。
意。固重不舍。然卽川流之不已。以見道體之不已。則逝者亦重。
審此章本是言道體。自不當泥住川流也。惟虛拈卽川卽道。如。
釋氏青青綠竹。悉是真如。熈熈黃花。無非般若。則遺却本文不。
舍二字之義。爲不可耳。辛天齋曰。觀鳶飛魚躍。知此理之無物。
不有。觀逝者如斯。知此理之無時。不然。書旨豁如。

爾有矣夫。固是理之不當有。然亦時之所必有。事之所竟有。出。
乎意外。亦在意中。頻頻喚醒。要人思其何以有。勿徒作驚疑詫。

異之詞。舍之不耘。振而助長。皆所以不秀不實之故。

集註言此以警人。是警後生。要及時勉學。說統謂兩截。只作一人看。極是。下半段正爲後生敲穿。後壁勿致老大悲傷。警策處。尤在一斯字。才說可畏。便不足畏。要從可畏時。常壓一不足畏之懼。方合激厲後生語意。

子路終身誦之。是念念不忘。惟恐失墜之意。與子張書諸紳一例看。但以此日誦。則不復求進。將終身如是已。夫子所以警之。終身誦。是從夫子看出。要其病根。只在誤認已臧。

險阻憂虞。懼而思遠者。其志不立也。困頓阨窮。畏而欲出者。其

守不貞也。松柏堅心勁質。貫乎四時。不彫固其常。而人却因歲寒而覺其異。歲寒正可以見松柏。松柏何畏乎歲寒。

新安陳氏曰。唐棣之詩。詞意婉而和平。無褻狎態。以東坡思賢之說爲然。但玩其口氣。是諛卸掩飾之詞。豈真有思賢之實哉。夫子刪之。而論語復錄之。反其言曰。未思曰何遠。正是揭其隱而示之。見掩飾有掩飾。不來諛卸。亦諛卸不去。論思謂卽論詩也可。

偏。晉書作翩。集註謂反。亦與翩同。愚意應如字。歸則不示其全。而露其半。反則不與爲向。而與爲背。中著一其字。始于偏。終于

反偏已不相迎。反更若相距。以興室遠。亦儘有意義。

孔子於鄉黨。註以爲父兄宗族之所在。按孔子世本宋人。自防叔遯華氏之亂奔魯。防叔生夏伯。夏伯生叔梁紇。叔梁紇生伯尼。又生孔子。此外別無父兄宗族之在魯。見於傳記。孔子三歲而孤。父之墓在防。母死而不知父之爲葬。爲殯。問於鄆曼父之母。然後得合葬於防。使鄉黨果有父兄宗族。年稍長於夫子者。又安有不知其爲殯者哉。然則所謂鄉黨者。不過少時鈞遊之地。二三父老。曩與吾祖居。吾父居者。而夫子必致其敬。容貌辭氣之間。恂恂如似不能言。蓋亦敬禮高年之意。詩所謂惟桑與

梓必恭敬止也。

大國三卿。司徒司馬司空。卽上大夫。下大夫五人。司徒下二大夫。一小宰。一小司徒。司空下二大夫。一小司寇。一小司空。司馬事簡。闕一大夫。惟一小司馬。魯有四卿。季孫爲司徒。叔孫爲司馬。孟孫爲司空。臧孫爲司寇。其後子叔氏爲之。皆上大夫。孔子於定公十年爲司空。是小司空。固下大夫。旋爲大司寇。且攝相事。當是上大夫。其與下大夫。上大夫。言不限定爲下大夫時。問閭侃侃。同一協恭和衷之意。侃侃不是嚴厲。只是曰是非曰非。比問閭稍露剛直耳。問問不是阿比。詰言和悅而諍。是非曲直。

自有分辦。

君召使擯。是使孔子爲擯。而兼攝上相之事。揖所與立。爲擯時事也。入廟相禮。及賓退送賓。皆上相事也。總註爲君擯相相字。不得謂無著落。

執圭之主。是瑑圭。非命圭。詳見周禮。朱子仍包咸舊註而未改。鄉黨一篇。門人記孔子之容色言動。篇首旣冠以孔子矣。中間又言君子者。蘇氏以爲此孔氏遺書。棟記曲禮。固未確。潛室陳氏。謂卽孔子做底。便是衆人合依底。故間稱君子。聖人以身爲教。故記者以教法書之。殆亦未盡其義。蓋鄉黨固皆記孔子之

事此篇衣服之制。特以其居官有位而言。故變文而爲君子。紾
絺綌上加表衣。是言朝服。羔裘兼朝祭。麕裘言聘。狐裘是臘祭。
朝祭裘服羔。則裳如帷。冠以元。皆在官之服。其他如裘服喪裘。
狐貉以居。非帷裳必殺。別於禮服而爲私服。亦就爲大夫時言。
之也。章末記吉月必朝服而朝。註以爲致仕時如此。則以上爲
致仕之服。可見惟首飾不以組纁飾。及無所不佩飾。不必在位
爲然耳。

曲禮。紾絺綌不入出門。玉藻。振絺綌不入公門。疏。二者皆上加
表衣。乃出也。鄉黨。當暑。紾絺綌。必表而出之。當是入公門朝服。

故必有表衣。正如裘之有裼。與下節緇衣素衣黃衣一例。袒裼以開露其美。見出絺綌出之之字。正指絺綌。論語疏亦謂暑則單服。必加尚表衣。然後出之。但謂出之爲出門。殊未穩。詩言蒙彼絺綌。亦是以展衣蒙於絺綌之外。絺綌內雖有裏衣。至入公門。又必有表衣。

麕裘。舊解主聘服。註疏從君視朔。亦麕裘。但魯自文公不行。告朔之禮。既不視朔。則亦不服麕裘。應照舊說。只就聘享言。

吉月必朝服而朝。邢疏朝服皮弁服也。魯自文公不行視朔之禮。孔子恐其禮廢。故每於月朔必衣視朔之服而朝於君。所謂

我愛其禮也。但朝服與視朔之服本自不同。鄉黨明言朝服則非視朔之服矣。禮云朝服而朝。卒朔然後服之。告朔之禮雖行猶必另有朝服。況此禮既廢。聖人豈得以視朔之服朝於君。齋必有明衣。章首一齋字。自可冠下四必字。第三節齋必變食。齋字不幾爲衍文乎。黃勉齋云。齋必有明衣布。并所脫寢衣一簡。當屬上章言衣服。齋必變食一節。當屬下章言飲食。固當然。集註合記四事皆言謹齋者。齋爲子之所慎。故必另爲一節而不分屬之上下章。

不時。集註五穀不成。果實未熟之類。毛西河駁之。引古註。朝夕

日中爲時。雖於理可通。但按本節饌餼飯敗等皆物之不可食者。自以朱註爲合類字。所包甚廣。四時之食。內則周禮所載。鹹苦辛酸。春秋冬夏。各有所宜。苟不以時。則子皆不食。

精義楊氏曰。飲食必有祭。飯稻粱。則祭先農。茶羹瓜。則祭先園。又玉藻云。瓜祭上環。瓜本蔬圃之屬。連上菜羹亦通。集註以瓜爲必。不從楊而從陸氏說者。此章記飲食之節。祭是因食而祭。惟曰必祭。乃見聖人無不祭之食也。

雖雉章集註云。此上文必有闕文。末二句。又曰必有闕文。不可強爲之解。竊意此非闕文也。記者有錯簡耳。如云山梁雉雉。子

路其之。三嗅而作。曰。時哉。時哉。色斯舉矣。翔而後集。書理自順。而亦無闕文。